



南巡盛典

天章

卷十六卷十七

284
1189
7



丁丑 卷十六卷十七

Handwritten notes in the top right corner of the right page.

南遊盛典卷十六

天章 丁丑 正月

詩

劉常州府城八景

登城臨風眺新野
城上危樓倚翠微
城下清江映碧流
城內古木綠成陰
城外青山翠欲流
城上朝暉映曉紅
城下夕陽紅似火
城內鐘聲暮杳杳
城外漁歌晚未休

蘇州府城八景

蘇州府城八景
蘇州府城八景
蘇州府城八景
蘇州府城八景
蘇州府城八景
蘇州府城八景
蘇州府城八景
蘇州府城八景

蘇州府城八景

蘇州府城八景



南巡盛典卷十六

天章 丁丑 江南

詩乘麒麟前發回壁崇計派地留舟眼掛不標
 將許過常州府城八韻 天章
 傍堤維鳳艗紆路策龍駒問俗闐闐度觀光老幼
 趨舟車引百越襟帶控三吳泰伯高風在賀公嘉
 政臚人文日寢盛食服衆滋腴故是昇平象寧無
 水旱虞卽今雖小補憶昔未全蘇咨爾牧民者引
 恬莫怠圖



跋馬過常州至艤舟亭進舟遂成是首

風流蘇髯仙遙年此繫艇遺蹟至今傳以人不以
境流為佛氏宇松竹頗幽靜印公舊深契玉帶留
堪省南來緣觀民詎為賞烟景傲榭及孤亭點綴
備臨幸玉局強項人想未必首肯山僧不解禪念
佛持清警云昔曾執戈放下屠刀猛寺僧自云前
於陝西勇健
營從乘艫就前途回望崇情永坡留我則往不繫

閒雲影

南遊麋城卷十六

吳王豢獸處麋城名以留豈識胥臺上終教鹿豕

遊

不題錢維城畫蘇軾艤舟亭圖

玉局信風流溪亭佳話留至今石岸側徃徃駐行

舟

文筆傳高躅家鄉事道真停橈親印證圖外得其

神

一例野亭子因蘇千載新豈知元祐際大有畏稱

人

岸柳金搖曳春波玉拍浮吳門知不遠更有仰蘇樓

射

澤國塗泥艱射堋晴明是處得平陵和門適可觀
羣藝破的休誇擅獨能敢以昇平弛武備詎忘弓
矢是

家

承不矜已亦課人職慎酌權衡在勸懲

黃埠墩

州埠無陸路四面圍清波不知蹟貽誰空傳天關
羅却與繖墩近否則黃城訛徒愛結構佳往來率
一過艤舟趁晴明登閣聊延俄梁溪溯遠練慧山
濯翠螺忽憶李青蓮客中此豪哦美酒鬱金香玉
椀朱顏酡滄桑幾變更逸韻終不磨

賜蘇州巡撫愛必達

青齊障宿保吳下節新移民隱芻蕘達官方砥礪
期允當知有要寧止貴無私此地災傷後惠鮮莫
漫遲

賜江蘇學政李因培

學校程材地江蘇大雅邦元龜要清正藻鑑辨淳
厖莫負風簷昔爲求瓊樹雙菁莪勤樂育濟濟引
鴻龐

青衿先賢周惇頤後嗣持小像求祠名允其請並

題以句

錫麓祀先賢孫支世守旃開程朱道學繼孔孟心
傳水碧山青處松蕤竹秀邊千秋光霽在底復藉
龍眠

遊寄暢園題句

煙溪又復泛梁鴻路側名園曲折通新景林嵐六
塵表昔遊歲月寸心中清泉白石自仙境玉竹冰
梅總化工小憩便當移蹕去一聲定磬下花宮

介如峯

寄暢園中一峯亭亭獨立舊名美人石以其
弗稱因易之而系以詩

一峯卓立殊昂藏恰有古檜森其旁視之頗具丈
夫氣誰與號以巾幗行設云妙喻方子美徒觀更
匪修竹倚亭亭戍削則不無姍姍閻易非所擬率

與易名曰介如長言不足因成圖正言辨物得揭
攬惠麓梁溪永靜娛

寄暢園疊舊作韻

雙河舟溯慧溪灣雅愛秦園林壑閒月鏡光涵窻
漱漱雲紳聲落澗潺潺清幽已擅毘陵境規寫曾
教萬壽山一沼一亭皆曲肖古柯終覺勝其間

惠山寺

九隴重尋惠山寺梁溪遐憶大同年可知色相非
常住惟有林泉鎮自然所喜青春方入畫底勞白

足試叅禪聽松庵靜竹鑪潔便與烹雲池汲圓府志

惠山寺第二泉上有
方圓二池圓者最佳

題惠泉山房

昔來遊惠泉聽松試竹鑪八角石欄干明汲轉輓
轆茶香滌塵慮泉脉卽此夫重臨探靈源乃知別
一區石梯拾級登高下置精廬瀟灑綠琅玕峭蒨
青芙蓉山茶及水仙放香妍且都西北有空洞洞
前方塘虛淙淙出甘源苓芬石髓腴對之坐逾時
笑我前遭徒境亦不可窮奇亦難悉臚名泉自千

古豈藉羶薌吾

詠惠泉

冰洞不可測發源惠麓東精藍據左側德水揚宗
風鑿爲方圓池雖二實相通方劣圓者甘其理殊
難窮池上漪瀾堂舊蹟傳坡翁境屯心則泰高風
想像中

聽松庵竹鑪煎茶疊舊作韻

布惠行時擬漏泉未蘇元氣我心煎老扶幼挈雖
如昔室飽家溫究遜前長吏勗哉其善體山僧饒
爾鎮高眠閒庵小試筠鑪火消渴安能澤被全
第一吾曾品玉泉篋編鼎每就泉煎到斯那得忘
數典於此何妨偶討前從論茶存誰解喫宗蒼圖
補竟長眠了知一切有爲法泡影空花若久全

惠泉上作

向予拊石欄遙企雲中脉今來探乳穴牝湫注靈
澤春繪萬物昌月印千秋碧得源趣益佳摘藻聊
補昔

汲惠泉烹竹鑪歌疊舊作韻

法雲惠山寺名初地悅聲聞有學無學誰為分調御丈

夫獨出類天上天下莫與羣天龍現泉供藻浴淨

洗萬劫空根塵芥香石髓鎮福地離垢入淨傳經

文我與如來宛相識瓣香頂禮旃檀芬相好豈有

今昔異俯仰亦不稱蹟陳苾芻却慣舉公案未忘

者箇情猶敦聽松軒分明熟路松枝落地堪為薪

竹鼎燃火戒過烈淨物受寂不受紛須臾顧渚沸

可瀾乃悟速不如遲云玉泉山房頗倣效以彼近

恒此遠權叶乃今此主彼更客有為如幻真誰存

入畫九龍山亘古當春第二泉淙新漪瀾舊堂懸

瘠藻千秋

聖蹟傳奇珍千秋

聖蹟傳奇珍繼述勗哉予一人

遊錫山

惠東特出一峯青有錫名山無錫寧諺云有錫爭無錫寧因以

名煙水平吞太湖秀林巒近接九龍靈春前老栢

不爭色風裏幽蘭解送馨蘿逕雲扉故相識得教

精舍小延停

駐蹕蘇州

乘時展義玉鑾巡莅止吳城胥水濱春色由來南
國麗民情較比昔年親縱看道左多歡忭寧忘災
餘有窶貧鮮蓋藏還尙華飾此邦要務在還淳
觀蘇城閭閻之盛不減昔年旣以慰懷兼成

是什

旋轉深叨造化功昨春猶疫幸秋豐肉瘡剜補嗟
黎獻滿益損謙切已衷資食資衣厪宵旰任親任
近繞西東羽林扈衛曾何藉膝下原吾赤子同

凝懷堂

在蘇州織造衙門旁行宮內康熙年間所

賜名也適來居之輒成是詠

三吳巡露冕數字駐宵衣

寶額懸瑤篆凝懷揭妙機盡蠲塵慮擾常守道心微

展義將繩

武如臨

聖日輝

支硎山

問景東峯與碧泉支硎得號憶遙年可知愛鶴兼
調馬那礙翻經及習禪圖書奇叅窻戶裏筑琴響
遞榻牀邊舊題宛在蒼崖泐何事苔痕半隱然

寒泉亭子

無泉不寒此擅獨鑿石引流深復曲何當深夜坐
孤亭萬慮都蠲一輪掬

寒山別墅

泉出寒山寒秀分支硎支昔遊曾未到名則常聞
之煙巒欣始遇林壑誠幽奇應接乃不暇而盡澄
神思庭前古榦梅春華三兩枝孰謂宦光往斯人
如在斯

飛魚峽

朗山誰假借浪水已疑然源溯雲中竇光澄鏡裏
天投竿庾信釣漑釜甯封仙所遇欣初得還因緬
昔賢

馳煙驛

驛路馳煙著壁題客來衣履尙淒淒支硎秀色千
秋映津逮遙思孔稚圭

綠雲樓

熙春新霽間輕陰韶秀山姿暢好尋支遁寒泉纔
滿聽宦光別墅又登臨紅梅翠竹天然繪妙理清
機不盡吟千項綠雲餅餌計憑觀惟是悅予心

對瀑

九疊垂雲紳一泓注石髓卉物太昌妍藉茲足陶
洗

戲題空谷

幽人昔時隱空谷與木石居鹿豕遊豈謂高卑起
飛閣更教雜還鳴羣鷗徒觀梅竹三春雅便擬棲
遲一刻留馳煙驛畔多條穎空谷中有馳煙驛宦光所題云問爾
低枝掃跡不昔耳騰無絲故無筆一舞然聞吹景

戲題寒山千尺雪疊舊作韻

寒山卽是支硎山趙凡夫始疏山泉我昔憑觀愛
清泚雲中曾未窮其源隱人別墅茲一至故蹟歷
歷閒評詮乃知芙蓉注乳竇千支萬派斯依緣煙
崖冰峽疊高下瀉爲飛瀑渟爲淵大珠小珠跳澗
谷五出六出紛林巒四時恒此舞滕六千尺幻欲

生藍田雪乎否乎否雪乎長笑人然我亦然揭爾
題詩揭爾去淙淙響在依稀間

聽雪閣疊前韻

飛魚於雲中聽雪乃峽底高下殊倒置名象若斯
耳適從寒山來始遇空谷美辛未惟至千尺雪寒山別墅今始過之

過墻即范園水閣重憩止峯色與泉聲識我重臨
喜理解泯今昔耳觀無終始點筆一灑然偶如是

而已

遊華山

跋馬度寒山屏秀宛相映天池知不遙由來稱熟

徑圖經誌洗心柱史標養性初入松竹幽遂陟巖

巒亘崎嶇峭蒨間時有飛泉迸鳴鞭豈不便安用

山輿乘地方大吏備登山輿以策騎便弗用延緣造絕頂諸峯皆下

凭春如有脚來雲自無心競小立極遊目已足暢

清興行漏報午刻歸路盤煙磴精藍禮莊嚴別室

憩幽淨

寶翰垂日月寧止書中聖處處仰

昔踪起愛復起敬

恭依

皇祖華山詩韻

春物和而益春山秀且深佛光今昔日

奎藻歲年侵籟奏風過竹歌喧暖啁禽石蓮華那在

望古集遙襟

山與駐蹕靈巖疊舊作韻

熟路明知步步中穿松鐘識出花宮峯姿峭禱四
隣接塔影玲瓏八面通震澤遠憑鏡呈白雲窻小
坐篆消紅靜觀何物名今昔行漏依然丁復東

臨湖榭

震澤三萬六千頃虛榭三間十笏寬榭置澤上粒
黍浮澤延榭中片鏡懸遊乎物外忘憂樂東坡昔
道皆可觀偶來靈巖駐春蹕幾餘一凭臨湖欄氣
清天朗陽侯靜具區渺渺無微瀾洞庭西東列眉
黛芥納須彌曾不難靈威丈人縱可接我心何暇
求神仙

復聞京師得雨誌喜

二月十四日

二月三寸雨北地曾稀聞誰謂未十日尺澤重霑

南遊盛典 卷十一
均江國作霖易綠野潤春巡繫思每北望正待甘
膏辰何時不重農何地非吾民欣慰以爲惕額手
鴻鈞仁畿南將齊鄭因之縈念頻曾否亦溥被佇
待大吏陳

穹窿山上真觀

穹窿惟

帝宇巡狩值春朝虔謁碧霄上

高居絳節朝雨暘願時若明旦揭於昭精室蕭臺側
憑欄縱目遙

拈花寺

暫乘紫機暇言訪青蓮宇穹窿真穹窿陽山卑爾
許雲棧歷覺路山泉汲法雨春景青帝繪石脂赤
松取遂造古道場信是出塵所太湖當我胸雲煙
與吞吐如如者西竺皇皇者東魯此旣未能逮彼
又何曾補徘徊兩增慙把筆欲忘語買臣乃俗吏
往事奚足舉

穹窿山望湖亭望湖

震澤天連水洞庭西復東雙眸望無盡諸慮對宜

空三萬六千頃春風秋月中五車稟精氣誰詔陸
龜蒙

寄題包山

七十二山推最巨望中縹緲雲深所巴陵地道空
傳名林屋洞天知何處靈威丈人竊素書天地大
文藏夏禹一時遊目匪慕仙怪力亂神子不語

鄧尉山恭瞻

皇祖題額松風水月四字各得八句以題爲韻
稱鄧尉者以梅而

睿藻全不涉焉然言不涉而意已賅此所謂得梅之

神韻者乎觸目會心摘辭衍義亦情之不能

已也

松

宿契權辭竹知音恒伴松友三見茲二並昔到斯
重濤影籠香淡水心映翠濃問誰工品物大道在

堯胸

風

此海偏稱雪於春不礙風細傳香是玉輕綻蕾猶

紅搖曳韻初麗吹噓氣正融設如擬禦寇光福卽
崆峒

水

廣平腸是鐵高密心如水彷彿見斯人何必稱仙
子枝斜清淺上影弄漪瀾裏誰先獲我心和靖曾
言旨

月

依稀有三山澹蕩方二月搖光入黃昏散馥飄清
越澹澹映冰心稜稜標玉骨靜對仰

當年餘芬猶未歇

鄧尉香雪海歌疊舊作韻

鄧尉西北山名吾香雪海卽吾家山在鄧尉山昔
西北六里姑蘇志云附鄧尉

遊未到茲到初奇峯詭石更幽邃商邱三字泐匪

誣虎山橋春水碧漲光福塔舍利光舒湖山表裏

互暎帶都拱香雪爲範模循名討實何不可無妨

片刻鳴鑾紆萬峯小別化人寺鄧尉山
寺名至理緩問

山村途鄧尉山陰
名至理彌高亘下真創見清芬冷韻非

時趨襄陵炭漫亦奚必蔚雲洩澗則有餘鮫人出

珠珠不計海童邀路路多娛香雪非江亦非湖天
高地下物散殊惟海爲巨爲委輸揚華繁采無復
需笑我昔年畧涉港歎觀止矣誠云疎由來於廓
渺無際卽今乃見三山孤輿圖府志各執異明統志鄧
尉山一名袁墓山而姑蘇志則云鄧尉山在錦峯
西南光福里俗名光福山與袁墓諸山相屬一鄧
尉而袁墓光福二說不
同紀載紛淆往往如此袁墓光福寧非吳墟拘辨
枉費工夫

靈巖雜詠再疊沈德潛韻

館娃宮

石硯徑重尋春花風自舞昔日館娃處今時選佛
土清梵落雲松靜香飄埭杜於此暫息心何必論

前古

琴臺

西蜀及東魯琴臺名紛然此胡亦有之蹟傳闔閭
年松風寫謾謾峽水常浚浚想彼三郎流聽之早
欲眠

響屨廊

靈巖鎮古靈敞景當春敞山蹊誰藉梗名尙傳屨

南遊盛典 卷十六 天章
響無人歎露葵有客尋煙莽荒幻總虛無無煩賦
傷往

涵空閣

富媪不藏景高閣真涵空不知名者誰窻納千巖
風太湖在襟袖疑聞吟淵龍洞天若能到玉柱銀
爲宮

吳王井

英英吐雲根汎汎涵峯頂秀峯寺其側舍利入塔
影憶昔春雨中偶然一汲綆勿幕乃元吉玩辭觀

象井

研池

山川自太古峙峻渟者洽誰能奪化工泉白峯常
青此池蓋昔有菁藻看斜橫非吳王所斲至理無
須驚

采香逕

句踐用心苦陰謀藏弗露采葛不連蔓作絲織絺
素獻吳逞其欲吳歡墮迷霧羣娃猶采香曲徑春
風暮

翫花池

德潛本幽人所居愛巖谷一再吟其詩調高義亦足偶凭翫花池印心呈澹淥遺蹟奚堪稱德水早淨浴

寄題南園

南園聞說貽王令林色泉聲鎮若新待漏院文曾熟讀豈伊狂飲醉鄉人

府志禹偁曾為長洲令有詩云他年我若成功後乞

與南園作醉鄉

三高祠 祀范蠡張翰陸龜蒙范成大為之記

碑記今觀范成大畫圖昔詠李公麟 李公麟吳中三賢圖曾題

句 三吳共仰三高節避世常為住世人

遊天平山十六韻

吳會眾山鎮天平萬笏朝飛來峯拔地林立石干霄茶鳴西隣近支硎北戶招勢連高景秀氣接太湖潮是日春方仲行時興倍饒靈巖盤嶺路功德訪雲寮芳玉溪梅綻柔金陌柳搖行行見別墅緩緩度橫橋宛到前遊處閒看舊詠標名園實瀟灑 范家高義園辛未賜名也 古蹟半荒寥文正風猶在梓桑澤未

南遊盛典 卷十一
遙小停憩閒館更進步層椒翠樾茈虎密蒼巖突
兀嶠菴傳遠公法泉溯白翁謠絕頂高無匹三吳
望裏要未稱元氣復用是一心焦

高義園

磴道下靈巖名園尋高義霽煙歛寥濶韶光鬯明
媚載過文正祠默讀義田記春和對芷蘭復緬後
樂志白雲千載心名山五經笥我自勤政人流連
未可恣乾惕意彌厯智仁懷偶寄世人

白雲泉再疊白居易韻

昔年少傅此題泉忘世高情祇愛閒我却異香山
所願願流膏澤遍田間
再遊寒山別墅作
吳中不雨亦多陰今日晴明悅可心
巖薛天平試
閒攬黃緣別墅便重尋
峯寧藉沐都凝黛泉豈須
觀每聽琴更上綠雲樓
上望虎邱塔影轟平林

澄懷堂

應接雖無暇澄懷乃有餘
底須施藻繪惟是愛清
舒春是四時冠山如太古
廬何當來晏坐重習少

年書

琳瑯叢用杜甫佳人詩韻並效其體

一時憶杜詩空谷真空谷逕入琳瑯叢詎同凡花

木化軸尙欲培樵斧寧敢戮誰謂品曲人乃道不

如肉淇澳將渭川羶薌遊秉燭豈知寒山幽森此

萬竿玉凡夫昔卜居常抱煙霞宿有夢為平蝶棚

無淚為去民哭泉或時而清泉或時而濁社祭永

吳中荒祠尙老屋猗風情亦蕭影月手堪掬粉黛

非佳人佳人卽修竹世高計無愛問非誰吳香山

芙蓉泉

芙蓉峯下泉輒以芙蓉稱泉固可植華峯則惟肖

形賓主定誰是後先底浪爭峯泉胥不知曰人強

安名芙蓉峯下泉輒以芙蓉稱泉固可植華峯則惟肖

千尺雪雜詠

名園依別墅屈曲石牆通自是一壺地乃如大壑

叢

板閣坐聽雪昔年聲在耳飛流縱縱中後今同一

視

南遊盛典 卷十一 天章
三
迸水雲紳白詭石佛蓮青更看新樣出巖間笠子
亭
出峽湧晴雪澹澹復皚皚臨流更親切恰見其源
來

法螺寺

詭石詫奇峯蒼松盤曲徑窅窅深翠處林壑相掩
暎春禽唱清音澗花含淨性梵宇到面前乃識藏
邃復出密忽登高望遠如臨鏡吳中寺亦多此獨
以幽勝設以擬詩人非賈宜在孟

賦得華山鳥道

嶻嶭復龍從青蓮植半空自來稱鳥道頗覺異蠶
叢疊磴穿雲白迴欄挾巘紅竹聲戛風細花色鬪
春融塞路遙相擬坦途此盡同遊山當讀畫緩緩
跋花驄

題吳歷天池石壁圖

我登鳥道華山巔一泓天池乃俯視設從山下望
石壁虛無應在雲端擬乃知居高見自廣遊於物
內迷惡美漁山寫照卽境披評圖莫若評其理

初遊石湖作

行春恰值好春晴橋上風光蓄眼清綠竹紅花他
繪事黃童白叟我田情白楊煙水在襟袖荏確雲
嵐若送迎却訝祇園方外地起予兩字號治平

觀打魚歌

春晴地方大吏備觀打魚因事已成畧觀輒罷之
而作是歌

江鄉本以漁為業煙水衝寒應不怯而我行時欲
物熙人駒魚斃非所悅施罟連網圍周遭大魚掉
尾小魚跳烹烝充俎供一嚼寧如噓浪聽逍遙木
蘭每歲秋圍即他他藉藉曾弗惜何慈於魚弗慈
鹿春秋溫肅殊南北湖魚寧實繁如斯我惟務實
命罷之悠然而逝誠逝矣懷哉里革與臧儔

石湖懷范成大

參政築園處峯奇渚淨間抗金存氣節匡宋豈高
閒飛白淳熙代留青茶磨山餘情寄翰墨展讀即
開顏

泛舟石湖作

南遊盛典 卷十六
潮來接天水春入悅鷗鳧柳影金絲蘸蘭漪碧練
鋪四時風月有萬古利名無怪底鴟夷子從茲入
五湖

行春橋

越來溪口長橋接恰值行春橋上過魚躍鳶飛叅
物理耕田鑿井樂民和
湖心亭
白洋滙處渚宮築水色天光有若無已自賞心兼
悅目取名何必又西湖

遊上方山

治平路接楞伽院兩寺由來一寺分澗筑松濤相
問答峯容波態總氤氲座披荇確棲崖月泉煮曹
溪嫡派雲底更圖經考同異從來紀載議多紛
思吳郊臺
羽蓋乘齊亦壯哉當年僭祭起郊臺誰知五過招
三寸自此橫塘有越來

題文徵明倣黃公望山水卽用其韻

觀民豈爲事春遊衣食根源厪訪謀暇亦尋山渾

南遊盛典 卷十六 天章
三
愜意昔曾歷處憶從頭花初經雨紅猶淺樹欲成
陰綠漸稠寫照恰欣披玉磬片時不覺畫中留
記得天平有范家清泉白石帶汀沙峯爲屏幃橫
雲迴林繞墟閭得路斜印我初心惟古月發人新
思是梅花棲遲莫待吟喉燥便可松陰一試茶
江村橋及上沙塘十里非遙接莽蒼春日晴烘麥
苗蔚水風輕度菜花香所欣到處供江硯豈事無
端舉魯觴我笑衡山詎忙者山靈應笑我真忙二句

反衡山
詩意

五家意氣合生平

見徵明題句中

屨步春山入畫屏吳國

人工吳土語白雲泉傍白公亭披來小幘無多子
留得層峯不改青衡泌端知真賞在幾曾肥遯爲
懷刑

遊虎邱雲巖寺

短簿祠邊尋舊墅吳王邱頂禮雲巖當時捨宅兄
兮弟永劫超塵聖與凡霸業銷沉寒劍氣佛光今
古鎮經函息機也識忘言好觸景興吟未可緘

靜觀齋

康熙四十六年賜額

齋額

璇題號靜觀

聖踪想像寶雲端管絃盈耳彼何鬧禮義悅心斯所

安

含暉山館

亦賜額也

水態山容清且妍山房勝日小周旋分明康樂詩

中景著屐風流想昔年

人工沈周虎邱圖

勝約愆期客發船泉聲松影感無邊見沈周詩久哉山

氣消金寶紛矣鄺間盛管絃

山亦虎邱寺再和蘇軾韻

定光瞻寶塔拾級登仙嶺遂徑造其巔下視富萬

井松濤虎嘯翻竹籟龍吟耿苟尙頰舌感此必下

鼃黽點頭聽經輩金矣不復曠生公本無涉誰云

服精猛髯翁絕世才儒佛場馳騁勝遊託豪句豈

真增跼哽小坐仰蘇樓綠疇含麥頃爲祝今餅餌

寧忘昔饑令人言元氣復我歎哀鴻永詎同彼子

瞻無事但攬景歸輿循山塘羣瞻翠華影施惠貴

及時奚待大吏請

題錢維城借山齋圖

林泉印証真親切秀麗從來說虎邱四海為家茲
外苑憑臨不擬借山遊

山塘策馬

山塘策馬攬山歸淡蕩韶春鞭漫揮烘受朝晴花
蕊綻潤含夜雨麥苗肥日遊日豫所無逸樂水樂

山亦靜機更喜吳民還易教重來歌舞較前稀辛未

南巡於返樸還淳之教三致意焉又明降旨禁地
方大吏陳劇供奉茲來民間結香亭迎祝者率不
敢備歌舞之觀足
見從令為之心喜

降旨迴鑾時取道徐州視河王詩以紀事

南來兩務重視河及觀民表裏實相資河治民始

安入疆即念茲疏濬命河臣隨鑾乃細事佇待嘉

猷陳時以曹徐二郡瀕河地積水妨農荆山橋黃
流淤緩總河白鍾山未令接駕副總河嵇璜

亦命赴
工相度高堰新隄固淮口如前巡其病不在斯而

在徐城濱渡江以南來閭閻商賈臻麥田及菜花

雨潤日暄勻目前堪慶慰額手天地仁但念彼遠

鄉寧無歎遭迤膏澤以時施衽席期登均昨者接

奏贖果道淤河身先事不預防恐致危城垣一自

石林溢南北側注頻黃河自乾隆七年石林口漫溢經時甫塞嗣是張家馬路

孫家集頻患衝奪黃流勢弱不能中泓力反弱刷

沙以為艱治河雖未習要當相度親疇咨集眾思

勝於紙上言道路粗修可令速馬上傳取足供頓

宿勿重勞黎元蘇命既且調盤代縣事計蘇嘉

南來開元寺詠古又贈吳表真寶琳資政師及成

開元石像鉢云自海中浮銘紀簡文帝序傳皮日

休偈如演七佛鉢上有七佛境即是三洲擬上度經閣

因之縱遠眸

聞河南得雨

皇都疊報得春霖齊鄭畿南盼好音况是天中尤
重麥霑膏果足慰予心

曉發蘇州

視河將欲至徐城五日姑蘇便啟行浙省萬民齊
望幸吳川一宿且兼程是日不駐南斗圩兼程至嘉興設緣玩景
生留戀豈是因心凜旦明老幼不須攀載道迴途

當為去聲小停旌

皇階疊巘昏春霖
 夜噴噴南銀仗音
 天中
 重交雷管果
 皇恩千心
 皇階疊巘昏春霖
 夜噴噴南銀仗音
 天中

南巡盛典卷十七

天章 丁丑 浙江

詩

輕舟曉日別吳門
 川路溪煙漾晏溫
 柳葉青籠雞犬社
 菜花黃入苧蘿村
 連江頓覺民風異
 轉壑都關吾意存
 恩沛寧無需再沛
 疇咨大吏悉心論
 賜閩浙總督喀爾吉善

海疆澤國久聲騰
 坐鎮宣風嘉汝能
 連率威儀今

陶侃一家父子昔韓弘

喀爾吉善之子定長為貴州巡撫

行春惠

化吾方攬作雨平章民久稱供頓何須事華飾山

川韶秀此邦勝

賜浙江巡撫楊廷璋

監司經久任自是悉民情要以能倡率寧惟貴潔

清艱難九年蓄生聚五方盈饑溺吾心切勤哉撫

恤誠

天章過嘉興府城

接境金閫卽秀水此豐彼歉理真無旋知大吏為

屯澤肯使斯民歎向隅

前秋南省偏災江浙接境江蘇請賑之地頗廣而浙

省報災獨輕且全遺嘉郡因特命加賑

溝壑流離期普濟閭閻氣象

幸微蘇城鄉轉僻從來異不獲吾猶厘一夫

賜梁詩正

文章館閣本仙曹何事江鄉六載遨膝下樂兼林

下樂南峯高並北峯高依然橋梓欣來覲不老春

秋閱正豪成汝孝名娛愛日且饒山水得清陶

題煙雨樓

楊柳磯邊繫畫舟六年清蹕重

去聲

來遊素稱雨意

復煙意漫數處州還沔州

名勝志煙雨樓有三一即此一在處州括山一

在沔州

詩句全從畫間得雲山常在鏡中留鴛湖依

舊誰相識懶惰無心問野鷗

觀錢陳羣書趙孟頫耕織圖詩屏題句

侍臣歸老此居停煙雨樓中書素屏悉我重耕還

重織豈其如畫竟如銘深惟衣食求民瘼詎止湖

山悅性靈無逸爾知曾染翰

勤政殿屏間無逸嘉篇朕所手書也

茲金鏡效張齡

煙雨樓卽景

不蓬萊島卽方壺弱柳新黃清且都煙態依稀如

雨態

是日晴和

澆湖消息遞西湖自宜春夏秋冬景何

必漁樵耕牧圖

士民有陳漁樵耕牧圖者故戲及之

應放晴光補疇

昔

辛未至此煙霧中頗不見遠

奇遐畢獻與真殊

和錢陳羣田園雜興十首書以賜之

庸醫望問覓形聲氣詢三閭病豈成我令歸田靜

調攝精神竟得復平生

怱怱過隙白駒催聞道家居七袞開蹕路迎鑾多

舊侶就中頗喜此人來

村舍何妨門縛柴
逃禪時有野僧來
惟應戀闕心如炷
辨色趨朝心未灰

前歲災鴻實弊勞
賑調南望首徒搔
相逢為問民蘇未
巡狩寧因問柳桃

開年正可墾春畦
更喜柔桑葉漸肥
勸穡課蠶林下事
豈能高枕說閒歸

武原舟放莫教遲
見陳羣詩烟雨樓前煙雨微
檢得石

湖詩卅首一時賡
韻興軒飛陳羣詩本和范成大田園雜興三十首之

也十

溪上風來料峭寒
春衫也覺切肌單
笑伊何故朝衣典
鄉俸從今志可寬
命如沈德潛例在家食俸故戲及之

世族錢塘嫡派錢
禦兒遷里是何年
滌湖森森澄明水
可養胸中一片天

溪雲欲泮柳煙低
柳外青帘颺影飛
新壓糟床春酒熟
換沽可解帶腰圍

炊黍何論尊與菘
怡情桃李繪薰醲
今來扈蹕權教置
可忘螭頭珥筆供

石門道中作

水程廿里惠風柔迤邐由拳接秀州每至橫橋人
更庶夾川歡喜迓龍舟

杏花紅覆菜花黃間出芄芄綠麥長岸轉川迴渾
助喜爲看芒穗報秋穰

徐行減從經城郭萬騎奔馳亦底爲到岸畫艫還
少待率知舟較馬猶遲

溪亭水市夾橫塘老幼扶攜共觀光却喜陌桑纔
吐葉人家未至礙蠶忙

偶因建置考圖經降縣升州浪與名天下本來無
事好石城榮辱豈關情

至杭州行宮駐蹕八韻

塘棲朝啟蹕寶慶午維舟策馬武林入觀民文教

修湖山重到識衣食永圖求曰庶誠堪喜思艱轉

益愁遇災憐靜待

乙亥秋歲遭歉收杭人惟靜俟賑卹未嘗以米價騰踊越分妄

干救急悉心謀旋轉叨

鴻造歡欣迓六駟繩

先期展義祝

嘏願添籌卽漸臨明聖幾閒擬暢遊

再依

皇祖巡幸杭州詩韻

前歲災鴻今稍安觀民不為事遊觀餘杭省治臨
行館二月春風駐翠鑾

溫清常承養

志樂湖山佳致悅心寬有來婦子多愉色應博

慈顏一笑歡

登吳山作

蘿逕陟煙巒吳山暢大觀平陵秦望秀近挹浙江

瀾遊目心因遠騁懷意戒盤閭閻殷撲地惟是厖

饑寒

瑞石洞

天目東來走溟海龍飛鳳舞勢奇駭吳山控江為

最奇瑞石奇擅吳山最叶我昔未遊今遊初谿

巖靠真仙都拾級不辭百丈峻乘興安用輕步輿

興亦不可窮奇亦曷有限徒因剏覽一憑欄率費

中人十家產

飛來石

高遊盛典 卷一
飛來峯頂一拳石從彼飛來忽住此殊形詭態信
翩翩景純未得窮其理

再依

皇祖吳山詩韻

罕畢重臨明聖湖吳山先此陟雲衢萬家煙火滋
繁庶足食足衣慎後圖

閱武

旭麗惠風輕廣場試閱兵百年偃雖可一日備須
明氣勵熊羆旅勇軒組練晶詰戎伊古訓詎敢詡

昇平

昭慶寺

昔向昭慶寺今登真蓋景日觀都燕人師忘風
錢塘門外古昭慶取便尋幽過野隄僧不叅禪修
淨業佛無定相示全提法林自是忘憂所精舍堪
稱小隱棲而我民艱常滿目豈能耽靜對闍黎

題黃龍洞

欲攬棲霞峯取道黃龍洞雲根殊峭蒨有泉出嵌
孔云昔僧慧開卓錫處所湧因移吳興名名此山
龍窠攀陟窮其幽竹樹紛鬱蒼千年紫藤花穗穗

南遊盛典 卷十七
風吹動天池方半畝印月不可攏月卽太古鏡池
卽丹砂瀕宜置忘世人邱索書數種不出戶庭讀
奈予去倥傯

黃龍石佛

誰施月斧開山石相好莊嚴調御人倚壁恰看飛
四柱真成一笠蓋金身

紫雲洞作

昔向畫中讀今從畫裏遊是日頗暄熱入洞涼風
颼棲霞待舉步黃龍漫迴頭非我屢耽咏率以記

里郵

昔過棲霞嶺

龍洞幾盤度雲洞清溪一道出桃溪棲霞自在金
陵表假借誰教此處題

竹素園小憩

策馬山陰廿里強延緣嶺復達山陽亭看放鶴緬
高士祠過褒忠嘉鄂王却喜名園傳翰墨亦饒幽
趣足徜徉外湖宛與內湖接咫尺煙宮可泛航

戲詠燈船

燈船自古艷秦淮何事餘杭欲與偕詎獨蘇民遵
教訓此次吳民迎駕者惟結綵棚而無燈船戲劇
蓋遵前此禁飭之旨喜其易於率教昨有詩
嘉予微嫌浙吏費差排花香早識春臺富鳥語寧
輸小令諧可惜湖山本清淨却教絲管混真佳

詣聖因寺

皇祖神御殿行禮

明聖茲重攬雲圖一嶽出琳巖對霞自五金
卷阿昔翺留敢云繩

祖武惟賴

詒

去聲

孫謀家法勤宵旰民艱體豫遊一湖春水碧常

共

聖恩流

駐蹕聖因行宮

問俗重臨明聖湖白沙隄上果清殊高峯南北呈
雙髻行館招提別一區麗日和風春淡蕩花香鳥
語物昭蘇民心樂處吾同樂豔舞清歌亦底須

題西湖十景疊舊作韻

蘇隄春曉

重來民氣幸新蘇災後猶然念厘吾此是春巡第
一義遊隄寧爲玩西湖

柳浪聞鶯

虛傳公子號衣金不見聞聲綠樹深我豈戴顓閒
逸者雙柑無復往尋林

花港觀魚

玉泉空說魚稱錦玉泉觀魚蓋西湖
新增十八景名也蕉石還隣港

號花此處近丁家山
又名蕉石鳴琴名色任增新點綴躍潛終讓

舊風華

曲院風荷

嫩芷新蒲始漾風那看淥水植花紅笑予却是拘
名象杏雨桃霞豈不同

雙峯插雲

南峯若仰北峯垂呼吸相通練色披入影澄波渾
一合湖心亭上會心時

雷峯夕照

峯峯夕照都奇絕十景惟斯舊擅名所惜堵波登
未得付他高矗晚霞橫

南遊盛典 卷十七
三潭映月

塔影雖三月一輪是三是一是金身誰能識得金
身幻可向潭前悟淨因

平湖秋月

綺榭紗疏虛碧油春蟾漪影惠風柔已看煙景清
諸慮豈必秋輪始勝流

南屏晚鐘

湖山四面畫爲屏合有鐘聲警衆聲唐宋至今諸
物改霜天惟此未曾更

斷橋殘雪

斷橋佳趣屬三餘春景澄觀頗亦如積素明占芄
麥好農民歡喜迺巡輿

賜浙江學政寶光鼎

兩浙山川常毓秀諸生月旦汝司文從來士習民
成俗勗彼行知尊所聞見外發中務清正含今茹
古去纖紛曰公似矣曰明要顓俊紆予一念殷

放鶴亭作

孤山山北聖湖濱云有林家處士墳自是傲時尙

南遊錄 卷十一
高逸豈關綴景事華紛桑田海水殊當代鶴子梅
妻屬此君暫對拈毫非不可慮無佳句繼餘芬

題林逋詩帖真蹟用卷中蘇軾書和靖林處

士詩後韻

好春重至西湖曲不愛山青與水綠所愛別館近
林家步步遠塵樹樹玉設云處士今在否我知斯
人未免俗新得先生遺墨妙日觀不厭繼以燭五
詩神合暗香句清峭雄渾無不足宜合東坡拜下
風健筆藏筋詎豐肉馬遷死後良史無峯色湖光
皆實錄卽景合璧詠雙絕和吟豈謝巴人曲兩賢
同得社而祭往往叢祠倚松竹所惜潛亦箇中人
遙遙祇享柴桑菊

急雨

急雨西風來不待醞釀勢空羅纔細霏傾盆倏奔
至邇來五日晴頗覺陽光熾在南恐不宜在北則
常事南北皆吾民孰不厯祈歲晴遊雖致佳切切
弗快意茲雨實稱甘麥苗正吐穗滌炎人更欣濯
黛山逾媚明當北高峯一策行春騎

吟香別業

亭臺勝蹟號句留義取樂天戀此州 前巡撫范承謨別業取白

樂天詩句題曰句留處在孤山之南固惜湖山聽

地方大吏重修以其多荷易以今名荒廢也嫌官吏太搜求設鮮民瘼皆如是斯慰吾

心又底憂小坐不因賞煙景題詩用戒保釐儔

清漣寺觀魚疊舊作韻

煙輕春雨後暇值萬幾餘載禮金光佛因觀青色

魚生機益翰墨樂意映襟裾怪底叅軍羨還勞開

士如新題看燈畫舊句讀碑書謾設重來約猶今

視昔歎

題沈周冷泉亭圖即用其韻

靈鷲飛來不飛去秀標南北兩峯間亭臨石罅干

層瀑溪隔寺前一帶山筠碧花紅繪春日探奇攬

勝值幾閒自知不是清閒者空羨諸人此往還 謂畫

中石田明古輩

恭依

皇祖靈隱寺詩韻

嶺是西方鷲飛來佳岌岌名山觀不少此地比寧

南遊錄 卷十七
多法苑開龍象清襟洽薜蘿諸天應拱護

御輦昔曾過

北高峯

北高峯是最高峯夾路新筠復古松迴絕縱眸窮
越望巉巖跋馬訝吳儂干巒吐春霧銀絮萬壑霏
山花紫茸天目探奇姑舍是半因無暇半因慵

韜光庵

雲林別室小徜徉深秀真稱委宛藏兩寺由來分

一寺

見白居易詩

湖光儼去接江光奇松詭石天然靜

澗草山花自在芳不辨北高峯下路碧琅玕表轟
蒼蒼

飛來峯歌

我欲靈隱陟高峯經茲且漫窮窈窕三十六曲旣
盤降韜光庵已散幽抱奇境當面竟失之山靈或
我粗疎笑叶辭騎屨步聊爾為乘輿何必拘葩瑤
千億化身棲碧巖法華國土奚能考一佛一樹經
所云非色非空誰則曉是時雨後幻陰晴洞中鍾
乳垂津寶便當擺脫六根塵如是法味餐以飽而

我先憂後樂人與佛有緣無就道作歌亦如慧理
歎傳名而已堪絕倒

上天竺

竹泉深秀處梵宇若天成亦自莊嚴相而無塵俗
情此中消萬慮誰道認三生小憩鳴鞭去行雲出
岫輕

湖心亭

春雨連宵傍曉晴進舟宛在小蓬瀛千重水樹印
蔥翠四面雲嵐互送迎那有波濤驚俗眼每因澹

泊悅神情湖光設擬明如鏡此是中心純粹精

題漪園

峯分南屏峯水占西湖水竹閣與柏堂或自蘇詩
擬明聖景無邊左右逢源取叶維舟一榻覽位置
殊清美兩字題漪園記予初到此

淨慈寺瞻禮

峯色湖光萃美處金繩紺宇此間開絕無塵相染
初地定有天花落講臺况爲祝

釐伸衆願

浙中縉紳於此恭設經壇延僧衆
百員頂禮上爲聖母祝釐

豈緣問

景偶閒陪

慈寧壽比淨慈壽稽首我聞如是來

小有天園

蔚然深秀秀而娟宛識名園小有天新筍紫苞雷
後隸落花紅織澗邊泉清幽最喜樹皆古點綴微
嫌景勝前新構御書樓固好揮毫却愧米家顛

琴臺

琴臺非子賤傳自米襄陽我不解攫醪春温卽景
償

留餘山居雜詠

俗名陶莊

路入絕塵路居真太古居湖山秀不盡此處獨留

餘

步步踏奇石聲聲聽冷泉香鑪峯下瀑一半借來

懸

穿石登丹梯憑樓出綠樹曠覽破天慳豪吟愜始

遇

把臂合佺喬決背入寥廓振衣天風寒西湖真一

勺

會得留餘意境將福不窮門應高大著往事有于公

自蘇隄跋馬至聖因行宮

山居乘興憩留餘泉白峯青可戀諸卓午沿隄策

歸騎為因封奏達中書

閣報間二日一發是日應至

蘇隄桃李畧過時油菜裳裳花正糝分付從人戒
蹂躪吾民衣食此深資

雙湖夾鏡六橋橫隄上鳴鞭散意行耕織圖邊渾

似此偶因北望憶昆明

昆明湖仿此為六橋橋外即耕織圖有蠶種水田處

罷漁

石湖畧觀魚少觀旋即罷西湖並弗觀意亦故有
在彼非出本浦移放由官買其利仍民得畧觀當
無礙叶究以事弗實作歌戒寮案此則湖中物民
業各分宰聞為去聲備水虞數日禁捕採厥牛未蹊
田奪之固無罪長官在愛民此事吾弗解救漢瀑
縱縱吉林流浼浼何漁會未經藉此區區乃罷禁
付之民網鬻資三倍

水樂洞

水樂探幽洞，鉤鏗果異常。盡消諸慮處，鯨會八音場。非竹還非革，去聲宮亦中商妙。張洞庭趣，何必

問東陽。

見蘇軾詩

理安寺

一徑入深秀，萬峯森簇攢。石橋原不隔，蓮界總生歡。既狹中方濶，憑高望亦寬。禪寧與儒異，惟欲理之安。

戲題虎跑泉

跑出清泉虎避居。

是泉雖名虎跑而山中本無虎也

祇園想像得

名初宗風信有能，降者苛政將毋更。猛於一帶崖，懸鍾乳滴千年。藤綴石華疎色聲，香味觸都靜。便試茶甌亦緒餘。

開化寺

蕭寺倚江干，江天暢遠觀。慧燈傳浩劫，寶塔鎮洪瀾。庭籟涼生竹，山春香噴蘭。坐欣諸品淨，何處覓心安。

雲栖寺

雲栖寺

路入琳琅个个青
祛人塵是洗心亭
七年幻夢誰

參破六字真言此重去聲聽蝶舞花香自詮註瀑飛

石轟孰流停修篁深處軒名忘機坐適可依然悅性

靈

觀採茶作歌

三月初二日

前日採茶我不喜
率緣供覽官經理
今日採茶我愛觀
吳民生計勤自然
雲栖取近跋山路
都非吏備清蹕處無事
迴避出採茶相將
男婦實勞劬

嫩莢新芽細撥挑
趁忙穀雨臨明朝
雨前價貴雨

後賤民艱觸目陳
鳴鑣由來貴誠不
貴偽嗟哉老

幼赴時意弊衣糲
食曾不敷龍團鳳
餅真無味

賦得循名責實

得田字八韻 試浙省士子題

名實曾何謂應如賓
主然底須名是尙
當以實爲先沐浴
文章海菑畬經訓
田淮南倡正議說
苑著良詮修己若
乖術治人寧有緣
要非沽可得詎藉
養因傳循欲誠無
忝責期僞盡蠲春
官新定制所冀獲
真賢

表忠觀

南遊盛典 卷十七
故里依桑梓崇祠舊表忠端因識時務可以號英雄牛斗猶無字江湖終向東勗哉錢氏族百世守家風

閱海塘作

騎度錢塘閱海塘閭閻本計

聖謨良

雍正年間海潮直逼北岸大為杭嘉郡縣之患皇考特命大臣鳩工築塘以捍之潮

頭遂漸徙南岸海寧一帶沙漲數十長江已輯風里迄今廿餘年全塘永固民安其業

兼浪萬戶都安耕與桑南北由中賴

神佑生靈永奠為民慶漲沙百里誠無事莫頌惟

增敬不遑

上巳

問景臨江國行時值禊辰湖山助明媚花柳正清新近接蘭亭會遐思洛水濱不教陳馬戲吾意在還淳

詠煎鹽者

一歷篷蘆廠載觀鹽竈民樵山已遙遠釜海亦艱辛火候知應熟滷漿配欲勻可憐終歲苦享利是他人

觀江潮作歌

樓名望潮江岸傍既到弗登有底忙登矣不俟潮
 一望殺風景事誠何當哉生魄為潮盛候因緣恰
 值聊相祥是日未刻潮應至歷申那見濤乘江駕
 山張蓋徒想像詩消醮退真荒唐江山小船迎潮
 慣船名出江山縣地方解嘲畧仿羯鼓腔金支翠
 旗光錯落撻金擊革聲鏗鎗俄頃江面潮亦至恬
 風輯浪非礮礮惟覺兩岸隱增溜賈舶好趁輕帆
 揚揚侯靜歛滄波細一霎依舊天水蒼昔聞屋脊

戰藉藉欺人慣是文人長或云乘輿百靈護伍胥

文種心早降

土人謂潮頭奮振者為靈胥潮其後如綿絮而少弱者為文種潮云或

云江走中壘後潮汐非比曩時強其然豈然付一

笑漲沙惟喜資耕桑興亦委焉賦式辭文不謂典

敷文書院六韻

崇儒因廣學設教幸敷文砥礪先修已圭璋待致
 君兩京班莫羨三策董應勤詎尚飾其貌還應尊
 所聞江山誠助秀華藻欲祛紛械樸真材毓勗哉
 魚雅羣

李嵩西湖圖

境卽圖中圖更披湖山印證契神姿六年寤寐遐
不謂一勺清冷宛若斯每愜崇情將妙理寧關急
管與繁絲秘珍近遠如何荅塔是雷峯好在時

岳武穆祠

陣戰曾經兵法常紹興亦委設施方操戈不謂興
張俊納幣終成去李光何事書生叩馬首遂教名
將飲魚腸至今人恨分屍檜宰樹餘杭萬古芳

再至雲林寺

雲林舊日靈隱寺兩字

奎章殿額高鷺石西來作屏障浙江東去見波濤詩

裁誰則如駱宋禪派他猶分濟曹香界若論真面
目大都形跡粕和糟

過靈隱至韜光

誰道我無戀韜光那幾盤滿山紅躑躅一路翠琅
玕泉不見頻響石如危轉安金蓮池半畝弗著釣
魚竿

坐金蓮池上用白居易寄韜光禪師韻

南遊盛典 卷十七
最愛翠鬟處因之白足家鳥啼飛葉竹魚上落溪
花倡和成陳迹林泉自道芽上人者箇在不領一
杯茶

用韜光禪師答樂天詩韻

苾芻林下翊聞泉結得茅庵自在眠官舍何妨辭
玉粒山池好在是金蓮想他謝往招來日仍此行
雲流水天何藉海寧稱好古茗華重見碧峯前

詩爲

海寧查嗣琛書

泛舟西湖卽景雜咏八首

西湖自是宜舟處風靜波恬舟更宜最愛六橋阿
那畔蘭橈緩著漫前移

南高峯復北高峯倒景都呈鏡裏容濃抹淡粧稱
未雅合稱青色兩芙蓉

麗日輕風暢好春蘇隄花柳淨無塵那禁卽景生
清悅無易由言愛一嘖

白芷青蒲已覆波暮春初節儼清和乍疑去歲昆
明上浴佛詩成泛玉河

清絕孤山最是梅梅花謝矣客方來恰知傲世多

神解未許塵緣共往迴

清詞逸筆久羶薌說項坡翁意更長不是為人渾

為已葆祠都伴水仙王東坡題和靖詩卷有宜伴水仙王之句

內湖水與外湖連小堰侵湖半作田一繫節宣一

穡事酌中兩利頗難權內湖為居民日益侵占成田湖身逾狹不清理則下

游田畝灌溉失利若清理又慮小民失業頗屬兩難

四面湖山美景投往來每漾紫霞舟蠶忙因為催

歸轡肯戀怡情此重留

賦得蠶月條桑得留字八韻

南國蠶忙候猗猗桑正柔鄭垌寧此勝漆水可同

不彼斧遵林際懿筐遍陌頭落枝嬾於篠採葉碧

如油滿箔方聞響盈箱預賀收西陵錫佳貺工女

忌寒休未免妨羣作因之返六騶湖山非不美詎

肯為淹留

登六和塔作

初地詣堅固信心登窳堵二諦此俱融空色本無

所三明真淨域可以泯今古四天垂寶網落落聞

鈴語五雲紉扶蓋擁護龍象旅六鼇永負戴萬劫

莫江淑七寶勝莊嚴如是瓣香炷層層標實詮七層

皆辛未年所題扁額歷歷憑證取江山識重巡歡喜生八部

颺以細細風霏以纖纖雨造極朱欄扶曠覽供仰
俯於已可忘憂於民那忘苦迴首禮釋迦徒羨曾

何補

雨中遊雲栖卽景雜咏四首

江干緩轡度煙絲煙外青山到始知爲是明當發
歸櫂淨招提欲小棲遲

雲棲昨未傳清蹕乍憶重教跋馬行雨笠風蓑出

農父胼胝憐彼趁春耕

飄來鐘是上方音四柱虛亭過洗心尙恐塵心洗
不了海龍助與一天霖

三間虛榭碧雲叢浙瀝煙梢颯沓風息慮真教諸
品淨那論今昔異和同

再題雲棲寺

雨中偏合訪雲棲曲逕通幽步不泥截竹引泉到
香積動雲移石作丹梯野颺得意松間擲山鳥無
心花下啼小坐烟絲泮清嶂一天霽景又堪題

南遊盛典 卷一
詣天竺寺謝晴 有序

浙省麥田菜花高下芄鬱羣稱數十年僅見
而桑葉陰陰連村被隴蠶事亦將興矣數日
以來頗覺雨多適以明日迴鑾再至開化寺
登六合塔遂冒雨訪雲棲四山濛濛霧重煙
凝頗不易即渙者心切切念之傳聞天竺觀
音大士甚靈應因遣人至彼祈晴及至雲棲
小憩精室則雲散日出千峯朗翠感應之速
有如此者是日原不擬至天竺此則有不敢

不至且不忍不至者矣故紆道敬詣謝佑詩

以紀實云

天竺重教特地行敬酬靈貺信昭明農蠶意美微
嫌雨顛禱心馳忽放晴匪為去聲及時尋樂地早傳
翼日啟歸程大慈悲是觀音願應悉勤民一念誠

喜晴

前朝喜雨今喜晴可是吾心無定衡到處勤民祝
時若此邦蠶並重於耕

杭州啟蹕迴鑾之作

